

漢魏六朝百三家集

晉

陸平原

第三十六冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

v. 36

御平泉集

本年
豐
日
作
陽
保
味
野
松
花

氏
倫
吳
世
臣
士
節
才
冠
國
士

陸平原集

陸平原集題詞

陸氏爲吳世臣士衡才冠當世國亡
主辱顛沛圖濟成則張子房敗則姜
伯約斯其人也俯首入洛竟縻晉爵
身事仇讐而欲高語英雄難矣太康
末年釁亂日作士衡豫誅賈謐侂得

通侯俗人謂福君子謂禍趙王誅死
羈囚廷尉秋風蓴鱸可早決幾復戀
成都活命之恩遭孟玖青蠅之譖黑
幘告夢白恰受刑畫獄自投其誰戚
哉張茂先博物君子昧於知止身族
分滅前車不遠同堪痛哭然冤結亂

朝文懸萬載弔魏武而老奸掩袂賦
豪士而驕王喪魄辨亡懷宗國之憂
五等陳建侯之利北海以後一人而
已排沙簡金興公造喻子患才多司
空歎美尚屬輕今賤目非深知平原
者也

婁東張溥題

陸平原集目錄

卷之一

賦

文賦

遂志賦

祖德賦

述先賦

思親賦

別賦

陸平原集

目錄

懷土賦

思歸賦

行思賦

感時賦

歎逝賦

愍思賦

述思賦

大暮賦

感邱賦

又

列僊賦

凌霄賦

幽人賦

應嘉賦

豪士賦

浮雲賦

白雲賦

鼓吹賦

又

漏刻賦

羽扇賦

桑賦

瓜賦

鯨賦

表

謝平原內史表

薦賀循郭訥表

見原後謝表

薦張暢表

牋

與趙王倫薦戴淵牋

同前

至洛與成都王穎牋

書

與弟雲書四首

又

又

又

七

七徵

連珠

演連珠五十首

論

五等諸侯論

辨亡論上

辨亡論下

議

大田議

卷之二

哀辭

吳大司馬陸公少女哀辭

弔文

弔魏武帝文

弔蔡邕文

頌

漢高祖功臣頌

贊

孔子贊

王子喬贊

箴

丞相箴

策文

策秀才文六首

又

又

又

又

又

傳

顧譚傳

碑

晉平西將軍孝侯周處碑

誄

吳大帝誄

愍懷太子誄

吳大司馬陸公誄

吳貞獻處士陸君誄

樂府

短歌行

秋胡行

隴西行

日出東南隅行

挽歌三首

長歌行

君子行

從軍行

苦寒行

豫章行

長安有狹邪行

塘上行

陸平原集

目錄

六

折楊柳行

飲馬長城窟行

門有車馬客行

櫂歌行

太山吟

梁甫吟

東武吟行

班婕妤

駕言出北闕行

君子有所思行

悲哉行

齊謳行

吳趨行

前緩聲歌

吳趨行

飲酒樂

董桃行

上留田行

飲酒樂

燕歌行

猛虎行

鞠歌行

順東西門行

日重光行

月重輪行

百年歌十首

詩

皇太子宴立圃宣猷堂有令賦詩

皇太子賜讌詩

贈馮文熊遷斥丘令

八章

答賈謐

十一
章有序

贈弟士龍

十
章有序

贈潘尼

贈潘尼

贈馮文熊

於承明作與弟士龍

贈弟士龍

贈尚書郎顧彥先二首

贈顧交趾公貞

答張士然

贈從兄車騎

爲顧彥先贈婦二首

爲陸思遠婦作

爲周夫人贈車騎

祖道畢雍孫劉邊仲潘正叔

赴洛二首

赴洛道中作二首

吳王郎中時從梁陳作

擬行行重行行

擬今日良宴會

擬迢迢牽牛星

擬涉江采芙蓉

擬青青河畔草

擬明月何皎皎

擬蘭若生朝陽

擬青青陵上栢

擬東城一何高

擬西北有高樓

擬庭中有奇樹

擬明月皎夜光

招隱詩

遨遊出西城

園葵詩二首

贈斥邱令馮文熙

贈顧彥先

贈紀士

贈潘正叔

招隱二首

尸鄉亭

三月三日

春詠

詠老

講漢書詩

秋詠

失題二首

附錄

本傳

陸平原集目錄終

陸平原集卷之一

晉吳郡陸機著

明太倉張溥閱

賦

文賦

有序

余每觀才士之所作，竊有以得其用心。夫其放言遺辭，良多變矣。妍蚩好惡，可得而言。每自屬文，尤見其情。恒患意不稱物，文不逮意。蓋非知之難，能之難也。故作文賦，以述先士之盛藻，因

陸平原集

卷之一

論作文之利害所由。他日殆可謂曲盡其妙。至於操斧伐柯。雖取則不遠。若夫隨手之變。良難以辭逮。蓋所能言者具於此云爾。

佇中區以玄覽。願情志於典墳。遵四時以歎逝。瞻萬物而思紛。悲落葉於勁秋。喜柔條於芳春。心懍懍以懷霜。志眇眇而臨雲。詠世德之駿烈。誦先人之清芬。游文章之林府。嘉麗藻之彬彬。慨投篇而援筆。聊宣之乎斯文。其始也。皆收視反聽。沈思旁訊。情驚八極。心遊萬仞。其致也。青

瞳矐而彌鮮。物昭晰而互進。傾羣言之漉液。漱
六藝之芳潤。浮天淵以安流。濯下泉而潛浸。於
是沈辭怫悅。若游魚銜鈎。而出重淵之深。浮藻
聯翩。若翰鳥纓繳。而墜屑雲之峻。收百世之闕
文。採千載之遺韻。謝朝華於已披。啓夕秀於未
振。觀古今於須臾。撫四海於一瞬。然後選義按
部。考辭就班。抱景者咸叩。懷響者畢彈。或因枝
以振葉。或沿波以討源。或本隱以之顯。或求易
而得難。或虎變而獸擾。或龍見而鳥瀾。或妥帖

而易施。或咀晤而不安。罄澄心以凝思。眇衆慮而爲言。籠天地於形內。挫萬物於筆端。始踟躕於燥吻。終流離於濡翰。理扶質以立幹。文垂條而結繁。信情貌之不差。故每變而在顏。思涉樂其必笑。方言哀而已歎。或操觚以率爾。或含毫而邈然。伊茲事之可樂。固聖賢之所欽。課虛無以責有。叩寂寞而求音。函絛邈於尺素。吐滂沛乎寸心。言恢之而彌廣。思按之而逾深。播芳蕤之馥馥。發青條之森森。粲風飛而飈豎。鬱雲起

乎翰林。體有萬殊。物無一量。紛紜揮霍。形難爲
狀。辭程才以效伎。意司契而爲匠。在有無而僂
俛。當淺深而不讓。雖離方而趣圓。期窮形而盡
相。故夫誇目者尚奢。愜心者貴當。言窮者無隘。
論達者唯曠。詩緣情而綺靡。賦體物而瀏亮。碑
披文以相質。誄纏緜而悽愴。銘博約而溫潤。箴
頓挫而清壯。頌優游以彬蔚。論精微而朗暢。奏
平徹以閑雅。說煇燁而譎誑。雖區分之在茲。亦
禁邪而制放。要辭達而理舉。故無取乎冗長。其

爲物也多姿。其爲體也屢遷。其會意也尚巧。其
遣言也貴妍。暨音聲之迭代。若五色之相宣。雖
逝止之無常。固崎錡之難便。苟達變而識次。猶
開流以納泉。如失機而後會。常操末以續巔。謬
立黃之秩叙。故渙。恣而不鮮。或仰逼於先條。或
俯侵於後章。或辭害而理比。或言順而義妨。離
之則雙美。合之則兩傷。考殿最於錙銖。定去留
於毫芒。苟銓衡之所裁。固應繩其必當。或文繁
理富。而意不措。適極無兩。致盡不可益。立片言

而居要。乃一篇之警策。雖眾辭之有條。必待茲。而效績亮功。多而累寡。故取足而不易。或藻思綺合。清麗芊眠。炳若縟繡。淒若繁絃。必所擬之不殊。乃暗合乎曩篇。雖杼軸於予懷。忭他人之我先。苟傷廉而愆義。亦雖愛而必捐。或茗發頽豎。離衆絕致。形不可逐。響難爲係。塊孤立而特峙。非常音之所締。心牢落而無偶。意徘徊而不能。掃石韞玉。而山暉水懷。珠而川媚。彼榛楛之勿翦。亦蒙榮於集翠。綴下里於白雪。吾亦濟夫。

所偉。或託言於短韻。對窮迹而孤興。俯寂寞而無友。仰寥廓而莫承。譬偏絃之獨張。含清唱而靡應。或寄辭於瘁音。言徒靡而弗華。混妍蚩而成體。累良質而爲瑕。象下管之偏疾。故雖應而不和。或遺理以存異。徒尋虛以逐微。言寡情而鮮愛。辭浮漂而不歸。猶絃么而徽急。故雖和而不悲。或犇放以諧合。務嘈囋而妖冶。徒悅目而偶俗。固聲高而曲下。寤防露與桑間。又雖悲而不雅。或清虛以婉約。每除煩而去濫。闕大羹之

遺味。同朱絃之清汜。雖一唱而三嘆。固旣雅而
不豔。若夫豐約之裁。俯仰之形。因宜適變。曲有
微情。或言拙而喻巧。或理朴而詞輕。或襲故而
彌新。或汙濁而更清。或覽之而必察。或研之而
後精。譬猶舞者赴節以投袂。歌者應絃而遣聲。
是蓋輪扁所不得言。故亦非華說之所能精。普
辭條與文律。良余膺之所服。練世情之常尤。識
前修之所淑。雖濬發於巧心。或受嗤於拙目。彼
瑀敷與玉藻。若中原之有菽。同橐籥之罔窮。與

天地乎並育。雖紛藹於此世。嗟不盈於予掬。患
挈瓶之屢空。病昌言之難屬。故蹉跎於短韻。放
庸音以足曲。恒遺恨以終篇。豈懷盈而自足。懼
蒙塵於叩缶。顧取笑乎鳴玉。若夫感應之會。通
塞之紀。來不可遏。去不可止。藏若景滅。行猶響
起。方天機之駿利。夫何紛而不理。思風發於曾
臆。言泉流於唇齒。紛葳蕤以馭選。唯毫素之所
擬。文徽徽以溢目。音泠泠以盈耳。及其六情底
滯。志往神留。兀若枯木。豁若涸流。覽營鬼以探

願頓精爽而自求。理翳翳而愈伏。思乙乙其若
抽。是以或竭情而多悔。或率意而寡尤。雖茲物
之在我。非余力之所勦。故時撫空懷而自惋。吾
未識夫開塞之所由也。伊茲文之爲用。固衆理
之所因。恢萬里使無閼。通億載而爲津。俯貽則
於來葉。仰觀象於古人。濟文武於將墜。宣風聲
於不泯。塗無遠而不彌。理無微而弗綸。配霑潤
於雲雨。象變化乎鬼神。被金石而德廣。流管絃
而日新。

遂志賦

有序

昔崔篆作詩以明道述志而馮衍又作顯志賦。班固作幽通賦。皆相依倣焉。張衡思立。蔡邕立表。張叔哀系。此前世之可得言者也。崔氏簡而有情。顯志壯而泛濫。哀系俗而時靡。立表雅而微素。思立精練而和惠。欲麗前人而優游清典。漏幽通矣。班生彬彬切而不絞。哀而不怨矣。崔蔡冲虛溫敏雅之屬也。衍抑揚頓挫怨之徒也。豈亦窮達異事而聲爲情變乎。余蒞托作者之

未聊復用心焉。

武定鼎於洛汭。胡受瑞於汝墳。繇鳴鳳於百祀。
啓敬仲乎方震。苟天光之所照。豈舜族其必陳。
厭禋祀於故墟。饗禴祭於東鄰。禴八葉而松茂。
舞九韶乎降神。系姜叟於海曲。表滄流於遠震。
仰前蹤之緜邈。豈孤人之能冒。匪世祿之敢懷。
傷茲堂之不構。理或睽而後合。道有夷而弗順。
傳棲崑而神交。伊荷鼎以自進。蕭綢繆於豐沛。
故攀龍而先躍。陳頓委於楚魏。亦凌霄以自濯。

伍被刑而伏劍。魏和戎而擁樂。彼殊塗而並致。此同川而偏溺。禍無景而易逢。福有時而難學。惟萬物之運動。雖紛糾而相襲。隨性類以曲成。故圓行而方立。要信心而委命。援前修以自程。擬遺跡於成軌。詠新曲於故聲。任窮達以逝止。亦進仕而退耕。庶斯言之不渝。抱耿介以成名。

祖德賦

咨時文之懿祖。膺降神之靈曜。棲九德以弘道。振風烈以增劭。彼劉公之矯矯。固雲網之逸禽。

旣憑形以傲物，諒傳翼而棲林。伊我公之秀武，
思無幽而弗昶，形鮮烈於懷霜。澤溫惠乎挾纊，
收希世之洪捷，固山谷而爲量。西夏坦其無塵，
帝命赫而大壯，登具瞻於太階。濯長纓乎天漢，
解戎衣以高揖，正端冕而大觀。戢靈武於旣曜，
恢時文於未煥。騰絕風以逸驚，庶遐蹤於公旦。

述先賦

仰先后之顯烈，懿暉祚之允輯。應遠期於已曠，
昭前光於未戢。抱朗節以遐慕，振奇迹而峻立。

在虐臣之貪禍。據西山而作違。招長轂於河畔。
飲冀馬乎江湄。蝨雲網而潛泳。揮神戈而外臨。
敵罔隆而弗夷。逆無微而不禽。茂德韡其旣休。
元勲曄而洊舉。龍袞服於太階。配三台乎其所。
是故其生也榮。雖萬物咸被其仁。其亡也哀。雖
天網猶失其綱。嬰國命以逝止。亮身沒而吳亡。
思親賦

悲桑梓之悠曠。愧蒸嘗之弗營。指南雲以寄款。
望歸風而効誠。年歲俄其聿暮。明星爛而將清。

迴飈肅以長赴，零雪紛其下。殯羨纖枝之在榦，悼落葉之去枝。存顧復之遺志，感明發之所懷。居辭安而厭苦，養引約而推豐。忘天命之晚暮，願鞠子之速融。兄瓊芳而蕙茂，弟蘭發而玉暉。感瑰姿之晚就，痛慈景之先違。天步悠長，人道短矣。異途同歸，無早晚矣。

別賦

伊公子之可懷，悲永別之局期。悼同居之無樂，曾不踰乎一晷。經春秋之寒暑，常戚戚而不怡。

登九層而修觀，超臨遠以相思。

懷土賦

有序

余去家漸久，懷土彌篤。方思之殷，何物不感。曲街委巷，罔不興詠。水泉草木，咸足悲焉。故述斯賦。

背故都之沃衍，適新邑之上墟。遵黃川以葺宇，被蒼林而卜居。悼孤生之已晏，恨親沒之何速。排虛房而求念，想遺塵其如玉。眇縣邈而莫覩，徒佇立其焉屬。感亡景於存沒，惋噴年於拱木。

悲顧盼而有餘思俯仰而自足留茲情於江介
寄瘁貌於河曲玩通川以悠想撫征轡而躑躅
伊命駕之徒勤慘歸途之良難愍棲鳥於南枝
弔離禽於別山念庭樹以悟懷憶路草以解顏
甘董茶於飴茈締蕭艾其如蘭神何寢而不夢
形何興而不言

思歸賦

有序

余以元康六年冬取急歸而王師外征職典中
兵與聞軍政懼兵革未息宿願有違懷歸之思

憤而成篇、

節運代序、四時相推、寒風肅殺、白露霑衣、嗟行邁之彌留、感時逝而懷悲、彼離思之在人、恒戚戚而無歡、悲緣情以自誘、憂觸物而生端、晝輟食而發憤、宵假寐而興言、羨歸鴻以矯首、挹谷風而如蘭、歲靡靡而薄暮、心悠悠而增楚、風霏霏而入室、響泠泠而愁予、旣遨遊乎川沚、亦改駕乎山林、伊我思之沉鬱、愴感物而增深、歎隨風而上逝、淅承纓而下尋、冀王事之暇豫、庶歸

甯之有時、候涼風而警策、指孟冬而爲期、願靈
暉之促景、恒立表以望之、

行思賦

背洛浦之遙遙、浮廣川之裔裔、遵河曲以悠遠、
觀通流之所會、啓石門而東縈、汾汴渠其如帶、
託飄風之習習、冒沉雲之藹藹、商秋肅其發節、
玄雲霈而垂陰、涼風淒其薄體、零雨鬱而下淫、
覩川禽之遵渚、看山鳥之歸林、揮清波以濯羽、
翳綠葉而弄音、行彌久而情勞、途愈近而思深、

羨品物以獨感悲綢繆而在心嗟逝官之永久
年荏苒而厯茲越河山而託景耿四載而遠期
孰歸甯之弗樂獨抱感而弗怡

感時賦

悲夫冬之爲氣亦何憺懔以蕭索天悠悠其彌
高霧鬱鬱而四幕夜緜邈其難終日晼晚而易
落敷層雲之歲蕤墜零雪之揮霍冰冽冽而寢
興風諤諤而妄作鳴枯條之泠泠飛落葉之漠
漠山空龍以含來川委蛇而抱固望八極以

溱普宇宙而寥廓伊天時之方慘曷萬物之能
歡魚微微而求偶獸岳岳而相攢援長嘯於林
杪鳥高鳴於雲端矧余情之含瘵恒覩物而增
酸厯四時之迭感悲此歲之已寒撫傷懷以鳴
咽望永路而沉瀾

歎逝賦

有序

昔每聞長老追計平生同時親故或彫落已盡
或僅有存者余年方四十而懿親戚屬亡多存
寡暱交密友亦不半在或所曾共遊一塗同宴

一室十年之內。索然已盡。以是思哀。哀可知矣。
乃爲賦曰、

伊天地之運流、紛升降而相襲、日望空以駿驅、
節循虛而警立、嗟人生之短期、孰長年之能執、
時飄忽其不再、老晬晚其將及、懟瓊藥之無徵、
恨朝霞之難挹、望暘谷以企予、惜此景之屢戢、
悲夫川閱水以成川、水滔滔而日度、世閱人而
爲世、人冉冉而行暮、人何世而弗新、世何人之
能故、野每春其必華、草無朝而遺露、經終古而

常然率品物其如素譬日及之在條恒雖盡而
不悟雖不悟而可悲心惆焉而自傷亮造化之
若茲吾安取夫久長痛靈根之夙殞怨具爾之
多喪悼堂構之頽瘁愍城闕之邱荒親彌懿其
已逝交何戚而不亡咨余今之方殆何視天之
茫茫傷懷悽其多念感貌瘁而鮮歡幽情發而
成緒滯思叩而興端慘此世之無樂詠在昔而
爲言居充堂而衍宗行連駕而比軒彌年時其
詎幾夫何往而不殘或冥邈而旣盡或寥廓而

僅半信松茂而栢悅、嗟芝焚而蕙歎、苟性命之
弗殊、豈同波而異瀾、瞻前軌之旣覆、知此路之
良難、啓四體而深悼、懼茲形之將然、毒娛情之
寡方、怨感目之多顏、諒多顏之感目、神何適而
獲怡、尋平生於響像、覽前物而懷之、步寒林以
悽惻、翫春翹而有思、觸萬物以生悲、歎同節而
異時、年彌往而念廣、塗薄暮而意迨、親落落而
日稀、友靡靡而愈索、顧舊要於遺存、得十一於
千百、樂隕心其如忘、哀緣情而來宅、託未契於

後生余將老而爲客然後弭節安懷妙思天造
精浮神淪忽在世表寤大暮之同寐何矜晚以
怨早指彼日之方除豈茲情之足攪感秋華於
衰木瘁零露於豐草在殷憂而弗違夫何云乎
識道將順天地之大德遺聖人之洪寶解心累
於末迹聊優游以娛老

愍思賦

有序

予屢抱孔懷之痛而奄復喪同生娣銜恤哀傷
一載之間而喪制便過故作此賦以紓慘惻之

感

時方至其倏忽歲旣去其晷晚樂來日之有繼
傷頽年之莫纂覽萬物以澄念怨伯姊之已遠
尋遺塵之思長瞻日月之何短升降乎階際顧
盼兮屏營雲承宇兮藹藹風入室兮泠泠僕從
爲我悲孤鳥爲我鳴

述思賦

情易感於已攬思難戢於未忘嗟伊思之且爾
夫何往而弗臧駭中心於同氣分戚貌於異方

寒鳥悲而饒音。哀林愁而寡色。嗟余情之屢傷。
負大悲之無力。苟彼塗之信險。恐此日之行晷。
亮相見之幾何。又離居而別域。觀尺景以傷悲。
撫寸心而悽惻。

大暮賦

有序

夫死生是得失之大者。故樂莫甚焉。哀莫深焉。
使死而有知乎。安知其不如生。如遂無知耶。又
何生之足戀。故極言其哀。而終之以達。庶以開
夫近俗云。

夫何天地之遼濶、而人生之不可久長、日引月
而並隕、時維歲而俱喪、知自壯而得老、體自老
而得亡、顧黃壚之杳杳、悲泉路之翳翳、挫千乘
猶一毫、當何數乎、智慧徒假、願於須臾、指夕景
而爲誓、忽呼吸而不振、奄神徂而形斃、顧萬物
而遺恨、收百慮而長逝、於是六親雲起、姻族如
林、爭塗淹淚、望門舉音、敷幄席以悠想、陳備物
而虞靈、仰寥廓而無見、俯寂寞而無聲、肴饌饒
其不毀、酒湛湛而每盈、屯送客於山足、伏延道

而哭之、扃幽戶以大畢、訴立闕而長辭、歸無塗、
兮往不反、年彌去兮逝、彌遠、彌遠、今日隔、無塗、
兮曷因、庭樹兮葉落、暮草兮根陳、

感邱賦

泛輕舟於西川、背京室而電飛、遵伊洛之坻渚、
沿黃河之曲湄、覩墟墓於山梁、託崇山以自綏、
見兆域之藹藹、羅魁封之纍纍、於是徘徊洛涯、
弭節河干、伫盼留心、慨爾遺歎、仰終古以遠念、
窮萬緒乎其端、伊人生之寄世、猶水草乎山河、

應甄陶以歲改順通川而日過爾乃申舟人以
遂往橫大川而有悲傷年命之倏忽怨天步之
不幾雖履信而思順曾何足以保茲普天壤其
弗免甯吾人之所辭願靈根之晚墜指歲暮而
爲期

又

生、矜、跡、於、當、世、死、同、宅、乎、一、邱、翳、形、骸、以、下、淪、
兮、漂、營、鬼、而、上、浮、隨、陰、陽、以、融、冶、託、山、原、以、爲、
疇、妍、媸、混、而、爲、一、孰、云、識、其、所、修、必、眇、代、以、遠、

覽兮夫何徇乎區陳

列僊賦

夫何列僊玄妙超攝生乎世表因自然以爲基
仰造化而聞道性冲虛以易足年緬邈其難老
爾乃呼翕九陽抱一含元引新吐故雲飲露食
違品物以長盼妙羣生而爲言爾其嘉會之仇
息宴遊棲則昌客弄玉洛宓江妃觀百化於神
區覲天皇於紫微過太華以息駕越流沙而來
歸

凌霄賦

挾至道之玄微，狹流俗之紛沮。颺余節以遠模，
風扶搖而相予。削陋跡於分邱，省遊僊而投軌。
凱情累以遂濟，豈時俗之云阻。判煙雲之騰躍，
半天步而無旅。詠凌霄之飄飄，永終焉而弗悔。
昊蒼煥而運流，日月翻其代序。下霄房之靡迄，
卜良晨而復舉。陟瑤臺以投轡，步玉除而容與。

幽人賦

世有幽人，漁釣乎玄渚。彈雲冕以辭世，披霄謁

而延伫是以物外莫得窺其奧、舉世不足揚其
波、勁秋不能雕其葉、芳春不能發其華、超塵冥
以絕緒、豈世網之能加、

應嘉賦

有序

友人有作嘉遁賦與余者、作賦應之、號曰應嘉
云、

傲世公子、體逸懷遐、意邈澄霄、神夷靜波、仰羣
軌以遥企、頓駿羽以婆娑、寄冲氣於大象、解心
累於世羅、襲三閭之奇服、詠南榮之清歌、濯下

陸平原集

卷之一

六

泉於浚澗、泝凱風於卷阿、指千秋以厲響、俟寂寞之來和、懷前修之彷彿、覲幽人乎所過、抱玄景以獨寐、含清風而寤語、發蘭音以清唱、操玉懷而喻予、於是葺宇中陵、築室河曲、軌絕千途、而門瞻百族、假妙道以達觀、考賁龜而貞卜、苟形骸之可忘、豈投簪其必谷、方介邱於尺阜、託雲林乎一木、伫鳴條以招風、聆哀音其如玉、窮覽物以盡齒、將弭跡於餘足、

夫立德之基有常。而建功之路不一。何則。循心以爲量者存乎。我因物以成務者。繫乎彼存夫我者。隆殺止乎其域。繫乎物者。豐約唯所遭遇。落葉俟微風以隕。而風之力益寡。孟嘗遭雍門以泣。而琴之感以末。何者。欲隕之葉。無所假烈風。將墜之泣。不足繁哀響也。是故苟時啓於天。理盡於民。庸夫可以濟聖賢之功。斗筭可以定烈士之業。故曰才不半古而功已倍之。蓋得之於時勢也。歷觀古今。徼一時之功。而居伊周之

位者有矣。夫我之自我。智士猶嬰其累。物之相物。昆蟲皆有此情。夫以自我之量。而挾非常之勲。神器暉其顧盼。萬物隨其俯仰。心玩居常之安。耳飽從諛之說。豈識乎功在身外。任出才表者哉。且好榮惡辱。有生之所大期。忌盈害上。鬼神猶且不免。人主操其常柄。天下服其大節。故曰天可讎乎。而時有裋服荷戟。立乎廟門之下。援旗誓衆。奮於阡陌之上。況乎代主制命。自下裁物者哉。廣樹恩。不足以敵怨。勤興利。不足以

補○害○故○曰○代○大○匠○斲○者○必○傷○其○手○且○夫○政○由○甯○
氏○忠○臣○所○爲○慷○慨○祭○則○寡○人○人○主○所○不○久○堪○是○
以○君○與○鞅○鞅○不○悅○公○旦○之○舉○高○平○師○師○側○目○博○
陸○之○勢○而○成○王○不○遣○嫌○吝○於○懷○宣○帝○若○負○芒○刺○
於○背○非○其○然○者○歟○嗟○乎○光○于○四○表○德○莫○富○焉○王○
曰○叔○父○親○莫○昵○焉○登○帝○天○位○功○莫○厚○焉○守○節○沒○
齒○忠○莫○至○焉○而○傾○側○顛○沛○僅○而○自○全○則○伊○生○抱○
明○允○以○嬰○戮○文○子○懷○忠○敬○而○齒○劍○固○其○所○也○因○
斯○以○言○夫○以○篤○聖○穆○親○如○彼○之○懿○大○德○至○忠○如○

此之盛。尚不能取信於人主之懷。止謗於衆多之口。過此以往。惡覩其可。安危之理。斷可識矣。又況乎饗大名以冒道家之忌。運短才而易聖哲所難者哉。身危由於勢過。而不知去勢以求安。禍積起於寵盛。而不知辭寵以招福。見百姓之謀已。則申宮警守。以崇不畜之威。懼萬民之不服。則嚴刑峻制。以賈傷心之怨。然後威窮乎震主。而怨行乎上下。衆心日侈。危機將發。而方偃仰瞪眄。謂足以夸世笑古人。之未工忘已事。

之已。拙知。曩勲之。可矜。暗成敗之。有會。是以事
窮。運盡。必於顛仆。風起塵合。而禍至。常酷也。聖
人忌功名之過已。惡寵祿之踰量。蓋爲此也。夫
惡欲之大端。賢愚所共有。而游子徇高位於生
前。志士思垂名於身後。受生之分。唯此而已。夫
蓋世之業。名莫大焉。震主之勢。位莫盛焉。率意
無違。欲莫順焉。借使伊人頗覽天道。知盡不可
益。盈難久持。超然自引。高揖而退。則巍巍之盛。
仰邈前賢。洋洋之風。俯冠來籍。而大欲不之於。

身至樂無愆乎舊節彌効而德彌廣身愈逸而
名愈劭此之不爲彼之必昧然後河海之迹堙
爲窮流一簣之釁積成山岳名編凶頑之條身
厭荼毒之痛豈不謬哉故聊賦焉庶使百世少
有寤云

世有豪士兮遭國顛沛攝窮運之歸期當衆通
之所會苟時至而理盡譬摧枯而振敗因天地
以連動恒才瑣而功大於是禮極上典服盡暉
崇儀北辰以葺宇實蘭室而桂宮撫玉衡於樞

極運萬物乎掌中、伊天道之剛健、猶時至而必
訐、日罔中而弗昃、月何盈而不闕、襲覆車之危、
軌笑前乘之去、穴若知險而退、止趨歸蕃而自
戢、推璇璣以長謝、顧萬物而高揖、訖浮雲以邁
志、豈咎舛之能集、擠爲山以自隕、歎禍至於何
及

浮雲賦

有輕虛之艷象、無實體之真形、厚厥本初、浮沉
混并、六律籥應、八風時邁、玄陰觸石、甘澤霽

勢不崇朝，覆彼無外。若層臺高觀，重樓疊閣，或
如鐘首之鬱律，乍似寒門之寥廓。金柯分，玉葉
散，綠翹明，崑英煥，鸞翔鳳翥，鴻驚鶴奮，鯨鯢泝
波，鮫鰐衝遁。朱絲亂紀，羅袿失領。飛僊凌虛，隨
風遊聘。有若芙蓉羣披，薜華總會。車渠繞理，瑪
瑙縛文。

白雲賦

攄神景於八幽，合洪化乎烟煴。克宇宙以播象，
協元氣而齊勲。發憤靈石，擢性洪流。興曜曾泉，

升迹融邱，盈八紘以餘憤。雖彌天其未泄，豈假
期於遷晷。遇崇朝而倏忽，紅葉發而茵蔯。金翹
援而合葩，神收鬼化。弼性違序，鳥殊類而比棲。
獸異迹而同處，蛟引翳而並潛。龍攀鴻而雙舉，
鸞舞角以軒罷。驚企翮而延伫，長城曲蜿蜒。采閣
相扶，聳瑤臺之截嶭。構瓊闥之離婁，雄虹矯而
垂天。翠鳥軒而扶日。

鼓吹賦

原鼓吹之伊始，蓋稟命於黃軒。播威靈於茲樂，

亮聖器而成文，騁逸氣而憤壯，繞煩手乎曲折，舒飄飄以遐洞，卷徘徊其如結，及其悲唱流音，彷徨依違，合歡嚼弄，乍數乍稀，音躑躅於唇吻，舌將舒而復迴，鼓砰砰以輕投，蕭嘈嘈而微吟，詠悲翁之流思，怨高臺之難臨，顧窮谷以含哀，仰歸雲而落音，節應氣以舒卷，響隨風而浮沉，馬頓迹而增鳴，士嘖感而霑襟，若乃巡郊澤，戲野坰，奏君馬詠，南城慘巫山之遐險，歡芳樹之可榮。

又

宮備衆聲、體僚君器、飾聲成文、彫音作蔚、響以
形分、曲以和綴、放嘉樂於會通、宣萬變於觸類、
適清響以定奏、期要妙於豐會、邈拊搏之所管、
務戛戔之爲最、

漏刻賦

偉聖人之制器、妙萬物而爲基、形罔隆而弗包、
理何遠而不之、寸管俯而陰陽効其誠、尺表仰
而日月與之期、立鳥懸而八風以情應、玉衡立

而天地不能欺，旣窮神以盡化，又設漏以考時，爾乃挈金壺以南羅，藏幽水而北戢，擬洪殺於編鍾，順卑高而爲級，激懸泉以遠射，跨飛途而遙集，伏陰蟲以承波，吞恒流其如挹，是故來象神造，去猶鬼幻，因勢相引，乘靈自薦，口納胸吐，水無滯咽，形微獨蠶之緒，逝若垂天之電，偕四時以合最，指昏明乎無殿，籠八極於千分，度晝夜乎一箭，抱百刻以駿浮，仰胡人而利見，夫其立體也，簡而効績也，誠其假物也，粗而致用也。

精積水不過一鍾。導流不過一筵。而用天者因其敏。分地者賴其平。微聽者假其察。貞觀者借其明。考計厯之潛慮。測日月之幽情。信探賾之妙術。雖無神其若靈。

羽扇賦

昔楚襄王會於章臺之上。山西與河右諸侯在焉。大夫宋玉。唐勒。侍皆操白鶴之羽。以爲扇。諸侯掩塵尾而笑。襄王不悅。宋玉趨而進曰。敢問諸侯何笑。諸侯曰。昔者武王玄覽。造扇於前而

五明安衆庶繁於後各有託於方圓蓋受則於
簞甫舍茲器而不用顧奚取於鳥羽宋玉曰夫
創始者恒樸而飭終者必妍是故烹飪起於熱
石玉輅基於推輪安衆方而氣散五明圓而風
煩未若茲羽之爲麗固體俊而用鮮彼凌霄之
偉鳥播鮮輝之輕蒨隱九臯以鳳鳴游芳田而
龍見醜靈龜而遠期超長年而久眄累懷璧於
美羽挫千載乎一箭委曲體以受制奏雙翅而
爲扇則其布翮也差洪細秩長短稠不逼稀不

簡於是鏤巨獸之齒、裁奇木之幹、憲靈樸於造化、審貞則而妙觀、移圓根於正體、因天秩乎舊貫、鳥不能別其是非、人莫敢分其真贗、翩翩以微振、風颿颿以垂婉、妙自然以爲言、故不積而能散其執手也、安其應物也、誠其招風也、利其播氣也、平混貴賤而一節、風無往而不清、諸侯曰善、宋玉遂言曰、伊茲羽之駿敏、似南箕之啓扉、垂皓曜之奕奕、含鮮風之微微、襄王仰而拊節、諸侯伏而引非、皆委扇於楚庭、執鳥羽而

言歸屬唐勒而爲之亂曰

伊鮮禽之令羽。夫何翩翩與眇眇。反寒暑於一
掌之末。迴八風乎六翮之杪。

桑賦

皇太子便坐。蓋本將軍直廬也。初世祖武皇帝
爲中壘將軍。植桑一株。世更二代。年漸三紀。扶
疎豐衍。抑有瑰異焉。

夫何佳樹之洪麗。超託居乎紫庭。羅萬根以下
洞。矯千條而上征。豈民黎之能植。乃世武之所

營故其形瑰族類體豔衆木黃中爽理茲榮煩
縹綠葉興而盈尺崇條蔓而層尋希太極以延
峙映承明而廣臨革飛鶚之流響想鳴鳥之遺
音唯厯數之有紀恒依物以表德豈神明之所
相將我皇之先識誇百世而勿剪超長年以永
植

瓜賦

佳哉瓜之爲德邈衆果而莫賢殷中和之清祐
播茲榮於甫田背芳春以初載迎朱夏而自延

奮修系之莫莫邁秀飈之綿綿赴廣武以長蔓
粲煙接以雲連感佳時而促節蒙惠露而增鮮
若乃紛敷雜錯鬱悅婆娑發彼適此迭相經過
熙朗日以熠燿扇和風其如波有葛藟之覃及
相椒聊之衆多發金榮於秀翹結玉實於柔柯
蔽翠景以自育綴修莖而星羅夫其種族類數
則有括萋定桃黃魴白搏金文密筍小青太斑
玄骭素椀狸首虎蹯東陵出於秦谷桂髓起於
巫山五色比象殊形異端或濟貌以表內或惠

心而醜顏、或攄文而抱綠、或披素而懷丹、氣洪
細而俱芬、體修短而必圓、芳郁烈其充堂、味窮
理而不餽、德弘濟於飢渴、道殷流乎貴賤、若夫
濯以寒水、淬以夏凌、越氣外歛、溫液密凝、體猶
握虛、離若剖冰、

鼈賦

有引

皇太子幸于釣臺、漁人獻鼈、命侍臣作賦

其狀也窮脊運脅、立甲四周、遁方圓於規矩、徒
廣狹以妨循、盈尺而脚寸、又取具於指掌、鼻嘗

氣而忌脂耳無聽而受響是以棲居多逼出處
寡便尾不副首足不運身於是從容澤畔肆志
汪洋朝戲蘭渚夕息中塘越高波以燕逸竄洪
流而潛藏咀蕙蘭之芳芬翳華藕之垂房

表

謝平原內史表

陪臣陸機言。今月九日。魏郡太守遣兼丞張含
齎板詔書印綬。假臣爲平原內史。拜受祗竦。莫
知所裁。臣機頓首死罪。死罪。臣本吳人。出自敵
國。世無先臣宣力之效。才非丘園耿介之秀。皇
澤廣被。惠濟無遠。擢自羣萃。累蒙榮進。入朝九
載。厯官有六。身登三閣。宦成兩宮。服冕乘軒。仰
齒貴遊。振景拔迹。顧邈同列。施重山岳。義足灰

陸平原集

卷之一

五

沒。遭國顛沛。無節可紀。雖蒙曠蕩。臣獨何顏。俛
首頓膝。憂媿若厲。而橫爲故齊王問所見枉陷。
誣臣與衆人共作禪文。幽執囹圄。當爲誅始臣
之微誠。不負天地。倉卒之際。慮有逼迫。乃與弟
雲及散騎侍郎袁瑜中書侍郎馮熊尚書右丞
崔基廷尉正顧榮汝陰太守曹武思所以獲免
陰蒙。避迴崎嶇。自列片言隻字。不關其間。事蹤
筆跡。皆可推校。而一朝翻然。更以爲罪。葺爾之
生。尚不足云。區區本懷。實有可悲。畏逼天威。卽

罪惟謹。鉗口結舌。不敢上訴所天。莫大之釁。日經聖聽。肝血之誠。終不一聞。所以臨難慷慨。而不能不恨恨者。唯此而已。重蒙陛下愷悌之宥。回霜收電。使不隕越。復得扶老攜幼。生出獄戶。懷金拖紫。退就散輩。感恩惟咎。五情震悼。跼天踏地。若無所容。不悟日月之明。遂垂曲照。雲雨之澤。播及朽瘵。忘臣弱才。身無足采。哀臣零落。罪有可察。苟削丹書。得夷平民。則塵洗天波。謗絕衆口。臣之始望。尚未至是。猥辱大命。顯授符

虎使春枯之條。更與秋蘭垂芳。陸沉之羽。復與
翔鴻撫翼。雖安國免徒。起紆青組。張敞亡命。坐
致朱軒。方臣所荷。未足爲泰。豈臣蒙垢含吝。所
宜忝竊。非臣毀宗夷族。所能上報。喜懼參并。悲
慙哽結。拘守常憲。當便道之官。不得束身奔走。
稽顙城闕。瞻係天衢。馳心輦轂。臣不勝屏營延
仰。謹拜表以聞。

薦賀循郭訥表

伏見武康令賀循。德量邃茂。才鑒清遠。服膺道

素風操凝峻。歷試二城。刑政肅穆。前蒸陽令郭
訥。風度簡曠。器識朗拔。通濟敏悟。才足幹事。循
守下縣。編名凡悴。訥歸家巷。棲遲有年。皆出自
新邦。朝無知己。居在遐外。志不自營。年時倏忽。
而邈無階緒。實州黨愚智。所爲恨恨。臣等伏思
臺郎所以使州。州有人。非徒以均分顯路。惠及
外州而已。誠以庶土殊風。四方異俗。壅隔之害。
遠國益甚。至於荆揚二州。戶各數十萬。今揚州
無郎。而荊州江南。乃無一人。爲京城職者。誠非

聖朝待四方之本心，至於才望資品，循可尙書
郎，訥可太子洗馬，舍人此乃衆望所積，非但企
及清塗，苟克方選也。謹條資品，乞蒙簡察。吳志
顧榮
陸機陸雲薦賀循表，其後云：臣等並以凡才，累
授飾進，被服恩澤，忝豫朝末。知良士後時而宗
局無言，懼有蔽賢之咎，是以不勝愚管，謹冒死表聞。

見原後謝表

趙王倫以陸士衡爲中書侍郎
齊王收士衡付廷尉，出後謝表。

臣以職在中書，制命所出，而臣本以筆札見知，
辭不獲已，乃詐發內妹喪，出就第，雲哭泣受弔。

片言隻字文不闕其間

薦張暢表

伏見司徒下諫議大夫張暢除當爲豫州內史
丞暢才思清敏志節貞勵秉心立操早有名譽
其年時舊比多厯郡守惟暢陵遲未齒而佐下
蕃遂蹈碎獨於暢名實損愚以爲宜解舉試以
近縣

牋

與趙王倫薦戴淵牋

蓋聞繁弱登御，然後高墉之功顯，孤竹在肆，然後降神之曲成。是以高世之主，必假遠邇之器，蘊匱之才，思託大音之和，伏見處士廣陵戴若思，年三十，清冲履道德，量允塞，思理足以研幽，才鑒足以辯物，安窮樂志，無風塵之慕，砥節立行，有井渫之潔，誠東南之遺寶，聖朝之奇璞也。若得託跡康衢，則能結軌驥騄，曜質廊廟，必能

垂光璵璠矣。惟明公垂神採察，不使忠允之言，以人而廢。

同前

出虞預晉書與今本稍異今并載之

蓋聞繁弱登御，然後高墉之功顯，孤竹在肆，然後降神之曲成。伏見處士戴淵砥節立行，有井渫之潔，安窮樂志，無風塵之慕，誠東南之遺寶，朝廷之貴璞也。若得寄跡康衢，必能結軌驥騄，耀質廊廟，必能垂光瑜璠。夫枯岸之民，果於輸珠，潤山之客，烈於貢玉。蓋明暗呈形，則庸識所

甄也

至洛與成都王穎牋

王室多故，禍難荐有。羊玄之乘寵凶豎，專記朝政，姦臣賊子，是爲比周。皇甫商同惡相求，共爲亂階。至令天子飄飄，甚於贅旒。伏惟明公匡濟之舉，義命方宣。元戎旣啓，風威電赫。機以驚聞，文武寡施。猥蒙橫授，委任外閫。輒承嚴教，董率諸軍。惟力是視。

陸平原集

卷之一

三

書

與弟雲書

仁壽殿前有大方銅鏡高五尺餘廣三尺二寸立著庭中向之便寫人形體了了亦恠也

又

天淵池南角有果各作一株無處不有縱橫成行一果之間輒作一堂

又云天淵池養山雞甚可嬉

又

監徒武庫建始殿諸房中見有兩足候真恠物

陸平原集

卷之一

三

也

又聽訟觀東作
百尺許廊屋

又

此間有一僮父欲作三都賦須其成以覆酒甕
耳。

典

七

七徵

玄虛子耽性冲素，雍容玄泊棄時俗而弗徇。甘
漁釣於一壑，乃有通微大夫怨皇居之失寶，傷
鴻誓之後聞，策立黃於榛險，憑穴崑而放言。通
微大夫曰：奇膳玉食窮滋，致豐簡犧羽族考牲。
毛宗俯出沉鮪，仰落歸鴻，剖柔胎於孕豹，宰潛
肝乎參龍。拾朝陽之遺卵，納丹穴之飛凰。神宰
奇稔嘉禾之穗，含滋發馨。素穎玉銳灼若皓雪，

之頽立雲皎若明珠之積緇匱素蟣踊而灑灑
滋芬溢而相徽味雖濃而弗爽氣旣惠而復奇
介景福於眉壽裕溫克乎齊聖子能饗之乎通
微大夫曰豐居華殿奇構磊落萬宇雲覆千楹
林錯仰綏瑰木俯積瑱石敷延袤之廣廡矯凌
霄之高閣秀清暉乎雲表騰藻蔭之奕奕珍觀
清榭岳立連行雲階飛陛仰陟穹蒼聳浮柱而
虬立施飛檐以龍翔回房旋室綴珠襲玉圖畫
神仙延祐承福懸闥高達長廊廻屬於是登漸

臺理俊音鏡立沚望長林逐狡獸弋輕禽覽壯
藝以悅觀聆和樂而怡心子能居之乎通微大
夫曰金石諧而齊響埴篴協而和鳴於是才人
進羽籥立弁被藻襲俯縈領以鴻歸仰矯首而
鶴立激長歌於丹唇發鏗鏘乎柔木合清商以
絕節揮流徵而赴曲奏南荆之高歎詠易水之
清角爾乃覩蛾眉之羣麗容旣都而又閑矯纖
腰以還節頓皓足於鼓盤舒妍暉以妖韶若陵
危之未安通微大夫曰蓋聞沫北有采唐之思

淇上有送予之歎。關雎以寤寐爲戚。溱洧以諠
浪爲歡。若夫妖嬪豔女。蒐羣擢俊。穆藻儀於令
表。茂當年之柔嫚。罄妍規之約綽。體每變而增
閑。秀芳蕤其愉愉。若餘穎之可食。若夫靈晷潛
祖。顏退羽觴。升清琴厲。因清明以宣誠。流徽睨
而授愛。纖手揮而鳴佩。鏗華衿被。則芳塵萃。子
其納之乎。通微大夫曰。塗有殊而一致。業有殊
而名約。各因姿以效績。期寄響於天人也。孰與
顯奇蹤於萬邦。撫六轡而高遊。瞰八字以攄眎。

齊清風乎諸侯言成否泰氣作溫涼弭侵略於
強暴綜墜紀乎危邦子豈不願斯之雍容乎通
微大夫曰明主應期撫民以德配仁風於黃唐
齊威靈乎宸極彝倫幸序庶績咸乂盪流風於
雍俗給天民乎齊泰是以立靈感而表應嘉神
繁而畢覲舞唐庭之來儀鳴岐陽之鸞鷟應天
監之休命荷神聽之介福然聖主達持盈之寶
術寤經國之在賢各畢榮於分局期贊化於大
鈞吾子豈不欲縻好爵於天宇顯列業乎帝臣

歟、玄虛子作而言曰甚哉鄙人之惑也、猶窮繩、
自逸於井幹、憑河盜本於黃川、欽至論敷、敝衽、
謹聞命於王孫、

連珠

演連珠五十首

臣聞日薄星迴窮天所以紀物山盈川冲后地
所以播氣五行錯而致用四時違而成歲是以
百官恪居以赴八音之離明君執契以要克諧
之會

臣聞任重於力才盡則困用廣其器應博則凶
是以物勝權而衡殆形過鏡則照窮故明王程
才以效業貞臣底力而辭豐

臣聞髦俊之才、世所希乏、丘園之秀、因時則揚、是以大人基命、不擢才於后土、明主聿興、不降佐於昊蒼、

臣聞世之所遺、未爲非寶、主之所珍、不必適治、是以俊乂之藪、希蒙翹車之招、金碧之巖、必辱鳳舉之使、

臣聞祿放於寵、非隆家之舉、官私於親、非興邦之選、是以三卿世及、東國多衰弊之政、五侯並軌、西京有陵夷之運、

臣聞靈輝朝覲、稱物納照、時風夕灑、程形賦音、
是以至道之行、萬類取足於世、大化旣洽、百姓
無匱於心、

臣聞頓網探淵、不能招龍、振綱羅雲、不必招鳳、
是以巢箕之叟、不眄丘園之幣、洗渭之民、不發
傳巖之夢、

臣聞鑑之積也、無厚、而照有重淵之深、目之察
也有畔、而眡周天壤之際、何則、應事以精、不以
形、造物以神、不以器、是以萬邦凱樂、非悅鐘鼓、

之娛天下歸仁非感玉帛之惠

臣聞積實雖微必動於物崇虛雖廣不能移心
是以都人治容不悅西施之影乘馬班如不輟
太山之陰。

臣聞應物有方居難則易藏器在身所乏者時
是以克堂之芳非幽蘭所難繞梁之音實縈絃
所思

臣聞智周通塞不爲時窮才經夷險不爲世屈
是以凌飈之羽不求反風曜夜之目不思

臣聞忠臣率志。不謀其報。貞士發憤。期在明賢。
是以柳莊黜殞。非貪底衍之賞。禽息碎首。豈要
先茅之田。

臣聞利眼臨雲。不能垂照。朗璞蒙垢。不能吐暉。
是以明哲之君。時有蔽壅之累。俊乂之臣。屢抱
後時之悲。

臣聞郁烈之芳。出於委灰。繁會之音。生於絕絃。
是以貞女要名於沒世。烈士赴節於當年。
臣聞良宰謀朝。不必借威。貞臣衛主。修身則足。

是以三晉之強。屈於齊堂之俎。千乘之勢。弱於陽門之哭。

臣聞赴曲之音。洪細入韻。蹈節之容。俯仰依詠。是以言苟適事。精粗可施。士苟適道。修短可命。

臣聞因雲灑潤。則芬澤易流。乘風載響。則音徽自遠。是以德教俟物而濟。榮名緣時而顯。

臣聞覽影偶質。不能解獨。指跡慕遠。無救於遲。是以循虛器者。非應物之具。玩空言者。非致治

之機。

臣聞鑽燧吐火以續暘谷之晷揮翮生風而繼
飛廉之功是以物有微而毗著事有瑣而洪助

臣聞春風朝煦蕭艾蒙其溫秋霜宵墜芝蕙被
其涼是以威以齊物爲肅德以普濟爲弘

臣聞性之所期貴賤同量理之所極卑高一歸

是以准月稟水不能加涼晞日引火不必增輝

臣聞巧盡於器習數則貫道繫於神人亡則滅

是以輪匠肆目不乏奚仲之妙瞽史清耳而無

伶倫之察

臣聞絕節高唱。非凡耳所悲。肆義芳訊。非庸聽

所善。是以南荆有寡和之歌。東野有不釋

之辨。

臣聞尋煙染芬。薰息猶芳。徵音錄響。操終則絕。

何則。垂於世者可繼。止乎身者難結。是以玄晏

之風恒存。動神之化已滅。

臣聞託闇藏形。不爲巧密。倚智隱情。不足自匿。

是以重光發藻。尋虛捕景。大人貞觀。探心

昭武。

臣聞披雲看霄。則天文清澄。風觀水則川流平。

是以四族放而唐劭。二臣誅而楚甯。

臣聞音以比耳爲美、色以悅目爲歡、是以衆聽所傾、非假北里之操、萬夫婉變、非俟西子之顏、故聖人隨世以擢佐、明主因時而命官、

臣聞出乎身者、非假物所隆、牽乎時者、非克已所勗、是以利盡萬物、不能獻童昏之心、德表生民、不能救棲遑之辱、

臣聞動、循、定、檢、天有可察、應無常、節身或難、照是以望、景揆日盈數、可期、撫臆論心、有時、而謬

臣聞傾耳求音、眡優聽苦、澄心徇物、形逸神勞、

是以天殊其數。雖同方不能分其感。理塞其通。則並質不能共其休。

臣聞遜世之士。非受瓠瓜之性。幽居之女。非無懷春之情。是以名勝欲故。偶影之操。矜窮愈達。故凌霄之節厲。

臣聞聽極於音。不慕鈞天之樂。身足於蔭。不假垂天之雲。是以蒲密之黎。遺時雍之世。豐沛之士。忘桓撥之君。

臣聞飛轡西頓。則離朱與矇眴收察。懸景東秀。

則夜光與砥礪匿耀、是以才換世則俱困、功偶
時而並劬、

臣聞示應於近遠有可察、託驗於顯微或可包、
是以寸管下俵、天地不能以氣欺、尺素逆立、日
月不能以形逃、

臣聞絃有常音、故曲終則改、鏡無畜影、故觸形
則照、是以虛已應物、必究千變之容、挾情適事、
不觀萬殊之妙、

臣聞祝敵希聲、以諧金石之和、鞀鼓踈擊、以節

繁絃之契。是以經治必宣其通。圖物恒審。

其會

臣聞目無常音之察。耳無照景之神。故在乎我者。不誅之於已。存乎物者。不求備於人。

臣聞放身而居。體逸則安。肆口而食。屬厭則克。是以王鮪登俎。不假吞波之魚。蘭膏停室。不思銜燭之龍。

臣聞衝波安流。則龍舟不能以漂。震風洞發。則夏屋有時而傾。何則。牽乎動則靜凝。係乎靜則動貞。是以淫風大行。貞女蒙冶容之誨。淳化殷

濂盜跖挾曾史之情

臣聞達之所服。貴有或遺窮之所接。賤而必尋。

是以江漢之君。悲其墜履。少原之婦。哭其亡

簪。

臣聞觸非其類。雖疾不應。感以其方。雖微則順。是以商飈漂山。不興盈尺之雲。谷風乘條。必降。彌天之潤。故闇於治者。唱繁而和。寡審乎物者。力約而功峻。

臣聞煙出於火。非火之和。情生於性。非性之適。故火壯則煙微。性克則情約。是以殷墟有感物。

之悲。周京無仁立之跡。

臣聞適物之技。俯仰異用。應事之器。通塞異任。是以鳥棲雲而繳飛。魚藏淵而網沉。賁鼓密而含響。朗笛疎而吐音。

臣聞理之所守。勢所常奪。道之所閉。權所必開。是以生重於利。故據圖無揮劍之痛。義重於身。故臨川有投跡之哀。

臣聞圖形於影。未盡纖麗之容。察火於灰。不覩洪赫之烈。是以問道存乎其人。觀物必造其質。

臣聞通於變者用約而利博明其要者器淺而應立是以天地之願該於六位萬殊之曲窮於五絃

臣聞情見於物雖遠猶踈神藏於形雖近則密是以儀天步晷而修短可量臨淵揆水而淺深難察

臣聞虐暑熏天不減堅冰之寒涸陰凝地無累陵火之熱是以吞縱之強不能反蹈海之志漂鹵之威不能降西山之節

臣聞理之所開力所常達數之所塞威有必窮
是以烈火流金不能焚景沉寒凝海不能結風
臣聞足於性者天損不能入貞於期者時累不
能淫是以迅風陵雨不謬晨禽之察勁陰殺節
不凋寒木之心。

論

五等諸侯論

夫體國經野先王所慎。創制垂基。思隆後葉。然而經略不同。長世異術。五等之制。始於黃唐。郡縣之治。創自秦漢。得失成敗。備在典謨。是以其詳。可得而言。夫先王知帝業至重。天下至曠。曠不可以偏制。重不可以獨任。任重必於借力。制曠終乎因人。故設官分職。所以輕其任也。並建伍長。所以弘其制也。於是乎立其封疆之典。裁

其親疎之宜。使萬國相維。以成磐石之固。宗庶
雜居。而定維成之業。又有以見綏世之長御。識
人情之大方。知其爲人不如厚已。利物不如圖
身。安上在於悅下。爲已在乎利人。故易曰。悅以
使民。民忘其勞。孫卿曰。不利而利之。不如利而
後利之。之利也。是以分天下以厚樂而已。得與
之同憂。饗天下以豐利。而我得與之共害。利博
則恩篤。樂遠則憂深。故諸侯享食土之實。萬國
受世及之祚矣。夫然則南面之君。各務其治。九

服之民知有定主。上之子愛於是乎生。下之體信於是乎結。世治足以敦風道。衰足以禦暴。故強毅之國不能擅一時之勢。雄俊之士無所寄。霸王之志然後國安。由萬邦之思治。主尊賴群后之圖身。譬猶衆目營方。則天網自昶。四體辭難。而心膺獲乂。三代所以直道。四王所以隆業也。夫盛衰隆敝。理所固有。教之廢興。繫乎其人。原法期於必涼。明道有時而闇。故世及之制。敝於強禦。厚下之典。漏於末折。侵弱之釁。邁自三

季陵夷之禍。終於七雄。昔者成湯親照夏后之
鑒。公旦目涉商人之戒。文質相濟。損益有物。故
五等之禮。不革於時。封畛之制。有隆焉爾者。豈
玩二王之禍。而闇經世之算乎。固知百世非可
懸。御善制不能無敝。而侵弱之辱。愈於殄祀土
崩之困。痛於陵夷也。是以經始權其多福。慮終
取其少禍。非謂侯伯無可亂之符。郡縣非致治
之具也。故國憂賴其釋位。主弱憑其翼戴。及承
微積敝。王室遂卑。猶保名位。祚垂後嗣。皇統幽

而不輟。神器否而必存者。豈非置勢使之然歟。
降及亡秦。棄道任術。懲周之失。自矜其得。尋斧
始於所庇。制國昧於弱下。國慶獨饗其利。主憂
莫與其害。雖速亡。趣亂。不必一道。顛沛之釁。實
由孤立。是蓋思五等之小怨。忘經國之大德。知
陵夷之可患。閭土崩之爲痛也。周之不兢。有自
來矣。國乏令主。十有餘世。然片言勤王。諸侯必
應。一朝振矜。遠國先叛。故強晉收其請。遂之圖。
暴楚頓其觀。鼎之志。豈劉項之能。闕闕勝廣之。

敢號澤哉。借使秦人因循周制。雖則無道。有與共弊。覆滅之禍。豈在曩日。漢矯秦枉。大啓侯王。境土踰溢。不遵舊典。故賈生憂其危。晁錯痛其亂。是以諸侯阻其國家之富。憑其士民之力。勢足者反疾。土狹者逆遲。六臣犯其弱網。七子衝其漏網。皇祖夷於黥徙。西京病於東帝。是蓋過正之災。而非建侯之累也。然呂氏之難。朝士外顧。宋昌策漢。必稱諸侯。逮至中葉。忌其失節。割削宗子。有名無實。天下曠然。復襲亡秦之軌矣。

是以五侯作威。不思萬邦新都。襲漢易於拾遺也。光武中興。纂隆皇統。而猶遵覆車之遺轍。養喪家之宿疾。僅及數世。姦軌充斥。卒有強臣專朝。則天下風靡。一夫縱橫。則城池自夷。豈不危哉。在周之衰。難與王室。放命者七臣。干位者三子。嗣王委其九鼎。凶族據其天邑。鉦鼙震於閭宇。鋒鏑流乎絳闕。然禍止畿甸。害不覃及天下。晏然以治。待亂是以宜。王興於共和。襄惠振於晉鄭。豈若二漢階閭。蹇擾而四海已沸。孽臣朝

入。而九服夕亂哉。遠惟王莽篡逆之事。近覽董卓擅權之際。億兆悼心。愚智同痛。然周以之存。漢以之亡。夫何故哉。豈世乏曩時之臣。士無匡合之志歟。蓋遠績屈於時異。雄心挫於卑勢。爾故烈士扼腕。終委冠讎之手。中人變節。以助虐國之桀。雖復時有場合同志。以謀王室。然上非與主。下皆市人。師旅無先定之班。君臣無相保之志。是以義兵雲合。無救刼弑之禍。民望未改。而已見大漢之滅矣。或以諸侯世位。不必常全。

昏主暴君。有時比跡。故五等所以多亂。今之牧
守。皆以官方庸能。雖或失之。其得固多。故郡縣
易以爲治。夫德之休明。黜陟日用。長率連屬。咸
述其職。而淫昏之君。無所容過。何則。其不治哉。
故先代有以興之矣。苟或衰陵。百度自悖。鬻官
之吏。以貨準財。則貪殘之萌。皆如群后也。安在
其不亂哉。故後王有以之廢矣。且要而言之。五
等之君。爲已思治。郡縣之長。爲利圖物。何以徵
之。蓋企及進取。仕士之常志。修已安民。良士之

所希。及夫進取之情銳而安民之譽遲。是故侵百姓以利已者。在位所不憚。捐實事以養名者。官長所夙夜也。君無卒歲之圖。臣挾一時之志。五等則不然。知國爲已。士衆皆我民。民安已受其利。國傷家嬰其病。故前人欲以垂後。後嗣思其堂構。爲上無苟且之心。群下知膠固之義。使其並賢居治。則功有厚薄。兩愚處亂。則過有深淺。然則探八代之制。幾可以一理。貫秦漢之典。殆可以一言蔽矣。

辨亡論上

昔漢氏失御、姦臣竊命、禍基京畿、毒徧宇內、皇綱弛紊、王室遂卑、於是群雄蜂駭、義兵四合、吳武烈皇帝慷慨下國、電發荆南、權略紛紜、忠勇伯世、威稜則夷、昇震盪兵交、則醜虜授馘、遂掃清宗、祊蒸禋皇祖、於時雲興之將、帶州飈起之師、跨邑哮囀之羣、風驅熊羆之衆、霧集雖兵以義合同、盟戮力、然皆苞藏禍心、阻兵怙亂、或師無謀律、喪威稔寇、忠規武節、未有如此其著者

也武烈旣沒、長沙桓王逸才命世、弱冠秀發、招
攬遺老、與之述業、神兵東驅、奮寡犯衆、攻無堅
城之將、戰無交鋒之虜、誅叛柔服、而江外底定、
飭法脩師、則威德翕赫、賓禮名賢、而張昭爲之
雄、交御豪俊、而周瑜爲之傑、彼二君子、皆弘敏
而多奇、雅達而聰哲、故同方者以類附、等契者
以氣集、而江東蓋多士矣、將北伐諸華、誅鉏耆
紀、旋皇輿於夷庚、反帝座乎紫闥、挾天子以令
諸侯、清天步而歸舊物、戎車旣次、羣雄側目、大

業未就中世而殞用集我大皇帝以奇蹤襲於
逸軌睿心因於令圖從政資於故實播憲稽乎
遺風而加之以篤固申之以節儉疇咨俊茂好
謀善斷束帛旅於丘園旌命交於塗巷故豪彥
尋聲而響臻志士希光而景驚異人輻輳猛士
如林於是張昭爲師傅周瑜陸公魯肅呂蒙之
疇入爲腹心出作股肱甘甯凌統程普賀齊朱
桓朱然之徒奮其威韓當潘璋黃蓋蔣欽周泰
之屬宣其力風雅則諸葛瑾張承步騭以聲名

光國政事則顧雍潘濬呂範呂岱以器任幹職
奇偉則虞翻陸績張溫張惇以風議舉正奉使
則趙咨沈珩以敏達延譽術數則吳範趙達以
機祥協德董襲陳武殺身以衛主駱統劉基強
諫以補過謀無遺謂舉不失策故遂割據山川
跨制荆吳而與天下爭衡矣魏氏常藉戰勝之
威率百萬之師浮鄧塞之舟下漢陰之衆羽楫
萬計龍躍順流銳騎千里虎步原隰謨臣盈室
武將連衡喟然有吞江滸之志一宇宙之氣而

周瑜驅我偏師，黜之赤壁，喪旗亂轍，僅而獲免。收跡遠遁，漢王亦憑帝室之號，帥巴漢之民，乘危騁變，結壘千里，志報關羽之敗，圖收湘西之地。而我陸公亦挫之西陵，覆師敗績，困而後濟，絕命永安，續以濡須之寇，臨川摧銳，蓬龍之戰，子輪不反，由是二邦之將喪氣，挫鋒，勢劓財匱，而吳苑然坐乘其弊。故魏人請好，漢氏乞盟，遂躋天號，鼎峙而立，西屠庸益之郊，北裂淮漢之涘，東包百越之地，南括羣蠻之表，於是講八代

之禮，蒐三王之樂，告類上帝，拱揖群后，虎臣毅
卒，循江而守，長棘勁鋌，望風而奮，庶尹盡規於
上，四民展業於下，化協殊裔，風衍遐圻，乃俾一
介行人，撫巡外域，巨象逸駿，擾於外閑，明珠瑋
寶，耀於內府，珍瑰重跡而至，奇玩應響而赴，輶
軒騁於南荒，衝輶息於朔野，齊民免干戈之患，
戎馬無晨服之虞，而帝業固矣。大皇旣沒，幼主
蒞朝，姦回肆虐，景皇聿興，虔脩遺憲，政無大闕，
守文之良主也。降及歸命之初，典刑未滅，故老

猶存大司馬陸公以文武熙朝左丞相陸凱以
謇諤盡規而施績范慎以威重顯丁奉離斐以
武毅稱孟宗丁固之徒爲公卿樓玄賀邵之屬
掌機事元首雖病股肱猶存爰及末葉群公旣
喪然後黔首有瓦解之患皇家有土崩之釁歷
命應化而徵王師躡運而發卒散于陳民犇于
邑城池無藩籬之固山川無溝阜之勢非有公
輸雲梯之械智伯灌激之害楚子築室之圍燕
人濟西之隊軍未浹辰而社稷夷矣雖忠臣孤

憤烈士死節將奚救哉。夫曹劉之將非一世所選。向時之師無曩日之衆。戰守之道抑有前符。險阻之利。俄然未改。而成敗貿理。古今詭趣。何哉。彼此之化殊。授任之才異也。

辨亡論下

昔三方之王也。魏人據中夏。漢氏有岷益。吳制荆揚。而奄有交廣。曹氏雖功濟諸華。虐亦深矣。其民怨矣。劉公因險以飭智。功已薄矣。其俗陋矣。夫吳桓王基之以武。太祖成之以德。聰明獻

達懿度弘遠矣。其求賢如不及。恤民如稚子。按
士盡盛德之容。親仁罄丹府之愛。拔呂蒙於戎
行。識潘濬於係虜。推誠信士。不恤人之我欺。量
能授器。不患權之我偏。執鞭鞠躬。以重陸公之
威。悉委武衛。以濟周瑜之師。卑宮菲食。以豐功
臣之賞。披懷虛已。以納謨士之算。故魯肅一面
而自托。士燮蒙險而致命。高張公之德。而省游
田之娛。賢諸葛之言。而割情欲之歡。感陸公之
規。而除刑法之煩。奇劉基之議。而作三爵之誓。

屏氣跼蹐。以伺子明之疾。分滋損甘。以育凌統之孤。登壇慷慨。歸魯子之功。削投惡言。信子瑜之節。是以忠臣競盡其謨。志士咸得肆力。洪規遠略。固不厭夫區區者也。故百官苟合。庶務未遑。初都建業。羣臣請備禮秩。天子辭而不許。曰。天下其謂朕何。宮室輿服。蓋慊如也。爰及中葉。天人之分。旣定。百度之缺。粗脩。雖醲化懿綱。未齒乎上代。抑其體國經民之具。亦足以爲政矣。地方幾萬里。帶甲將百萬。其野沃。其兵練。其器

利其財豐。東負滄海。西阻險塞。長江制其區宇。
峻山帶其封域。國家之利。未有有弘於茲者矣。
借使中才守之。以道善人御之。有術敦率遺典。
勤民謹政。循定策守常險。則可以長世永年。未
有危亡之患也。或曰。吳蜀唇齒之國也。蜀滅吳
亡。理則然矣。夫蜀蓋藩援之與國。而非吳人之
存亡也。何則。其郊境之接。重山積險。陸無長轂
之徑。川阨流迅。水有驚波之艱。雖有銳師百萬。
啓行不過千夫。舳艫千里。前驅不過百艦。故劉

氏之伐陸。公喻之長蛇。其勢然也。昔蜀之初亡。朝臣異謀。或欲積石以險其流。或欲機械以禦其變。天子總群誼而諮之大司馬陸公公以四瀆天地之所以節宣其氣。固無可遏之理。而機械則彼我之所共。彼若棄長技以就所屈。卽荆揚而爭舟楫之用。是天贊我也。將謹守峽口。以待擒耳。逮步闡之亂。憑寶城以延強寇。重資幣以誘群蠻。于時大邦之衆雲翔電發。懸旂江介。築壘遵渚。襟帶要害。以止吳人之西。而巴漢舟

師。沿江東下。陸公以偏師三萬。北據東坑。深溝。高壘。案甲養威。反虜蹤跡待戮。而不敢北窺。生路強寇。敗績宵遁。喪師大半。分命銳師五千。西禦水軍。東西同捷。獻俘萬計。信哉。賢人之謀。豈欺我哉。自是烽燧罕警。封域寡虞。陸公沒而潛謀兆。吳釁深而六師駭。夫太康之役。衆未盛乎。曩日之師。廣州之亂。禍有愈乎。向時之難。而邦家顛覆。宗廟爲墟。嗚呼。人之云亡。邦國殄瘁。不其然歟。易曰。湯武革命。順乎天。立曰亂。不極則

治不形言帝王之因天時也。古人有言曰：天時不如地利，易曰：王侯設險以守其國。言爲國之恃險也。又曰：地利不如人和，在德不在險。言守險之由人也。吳之興也，參而由焉；孫卿所謂合其參者也。及其亡也，恃險而已。又孫卿所謂捨其參者也。夫四州之萌，非無衆也；大江之南，非乏俊也。山川之險，易守也；勁利之器，易用也。先政之策，易循也。功不興而禍遘者，何哉？所以用之者失也。是故先王恃經國之長規，審存亡之

至數謙已以安百姓敦厚以致人和寬冲以誘
俊乂之謀慈和以結士民之愛是以其安也則
黎元與之同慶及其危也則兆庶與之共患安
與衆同慶則其危不可得也危與下共患則其
難不足恤也夫然故能保其社稷而固其土宇
麥秀無悲殷之思黍離無愍周之感矣。

陸平原集

卷之一

五

議

大田議

臣聞隆古之主不改法而下治陵夷之世不易
術而民怠夫商人逸而利厚農人勞而報薄導
農以利則耕夫勤節商以法則游子歸


陸平原集卷之一終

陸平原集

卷之一

詩

本



(25)